

զայսմանէ, եւ նա արար պատասխանի. 'ի սիւնազարդ գաւիթ եկեղեցւոյն այնորիկ երեք քրիստոնեայ ազգք անխորի մտանեն եւ ելանեն. զի իւրաքանչիւր ոք ունի դուռն եւ ճանապարհ անտի 'ի վանս իւր, եւ ժառանգեն զայն նախ քան զառումն Երուսաղէմի 'ի Սէլիմայ Արքայէ, ըստ զօրութեան վաւերական գրոց: Իսկ ընդ առաջ լինելն Լատինաց նոր տեսչի իւրեանց, և իջանել նորա յԱյրն Ծընդեան, է մին 'ի վաղեմի սովորութեանց նոցին, եւ միաբանք Յունաց միշտ հակառակ կացեալ այսմ, յարուցեալ են վէճս և խռովութիւնս, որպէս և յայսմ նուազի բռնէն հարեալ 'ի սփռոցէ անտի 'ի բաց ընկեցին զայն ընդդէմ՝ օրինաց և իրաւանց մերոց: Սակայն Յոյնք ոչ կամէին հաւատալ և ոչ ունին մատուցանել բանից նորա. թէ ունիցին Լատինք զայնպիսի սովորութիւնս 'ի տեղւոջ յայնմիկ: Լուեալ դատաւորին զբանս երկուց ոսոխաց հակառակ միմեանց, հրաման ետ կոչել զերեւելի այլազգիս քաղաքին: Ժողովեցաւ անդ բազմութիւն մեծ, և 'ի հարցանել ցնոսա, նոքա ետուն պատասխանի և ասեն. Սիւնազարդ գաւիթ եկեղեցւոյն այնորիկ՝ ճանապարհ է երից ազգաց, Հայոց, Յունաց և Լատինաց, և ամենայն ոք անարգել մտանէ անդ և ելանէ: Կոչեցին և զայլազգիս Բեթղէհէմի, և նոքա ըզնոյն ետուն վկայութիւն: Ասացին եւ վասն ընդունելութեան նոր տեսչին Լատինաց: Յետ այնորիկ սահմանեցաւ 'ի ժողովի անդ հաճութեամբ Յունաց, բաժանորդութեամբ ունել երից ազգաց զսիւնազարդ գաւիթ եկեղեցւոյն եւ զԱյրն Ծընդեան Քրիստոսի՝ և բարձաւ վէճն:

Բայց Յոյնք չկարացեալ տանել այսմ, յարուցին զայլ վէճս ընդդէմ Լատինաց և ասեն. 'ի գալստեան կայսերական հրովարտակին, լեալ էր հրաման, յանձնել զամենայն ինչ ազգին Յունաց որ միանգամ գրեալն էր 'ի նմա, մին 'ի բազմաց անտի էր քարուկիր շինուածն եւ պարտէզն, զորս պարտ էր յանձնել Յունաց, զի յառաջագոյն սեփականութիւն նոցին էր, այժմ Լատինք մուծեալ են զայնս 'ի վանս իւրեանց և առանց իրաւանց տիրեալ են բովանդակ վանացն: Յակնարկել զատաւորին ցԼատինս՝ ետուն պատասխանի. վանքն Բեթղէհէմի 'ի ձեռս Լատինաց է 'ի ժամանակէ անտի Արքային Սէլիմայ մինչեւ ցայսօր ըստ